



Broj: 10/1-05-016611-2/16

Tuzla, 06.09.2016. godine

Na osnovu člana 26. Zakona o visokom obrazovanju („Službene novine Tuzlanskog kantona“, broj: 7/16), člana 11. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/14, 10/15 i 14/15), postupajući po zahtjevu Edukativno-konzultantske kuće FINconsult kao osnivača Visoke škole za finansije i računovodstvo, broj: 01-29-06/16 od 29.06.2016. godine, sa sjedištem u Tuzli, ministarstvo obrazovanja, nauke, kulture i sporta Tuzlanskog kantona donosi

RJEŠENJE

1. Utvrđuje se da Visoka škola za finansije i računovodstvo FINra, sa sjedištem u Tuzli, ulica Mitra Trifunovića Uče br. 9-11., 75000 Tuzla (u daljem tekstu: Visoka škola za finansije i računovodstvo), ispunjava uslove za izvođenje studijskog programa prvog ciklusa studija „*Finansije i računovodstvo*“ u čijem sastavu su dva smjera: „*Finansije, bankarstvo i osiguranje*“ u četverogodišnjem trajanju – 240 ECTS bodova i „*Računovodstvo, porezi i revizija*“ u četverogodišnjem trajanju – 240 ECTS bodova od akademske 2016/2017 godine, a koji se odnose na:

- a) *kvalitet akademskog sadržaja*
- b) *relevantnost ishoda učenja za tržište rada*
- c) *kapacitet visokoškolske ustanove da u skladu sa Standardima i normativima visokog obrazovanja provede studijski program,*
- d) *usklađenost strukture studijskog programa sa bolonjskim principima,*
- e) *uslaidenost ishoda učenja sa savremenim zahtjevima u naučnoj oblasti, međunarodnim iskustvima i zahtjevima tržišta rada,*
- f) *podudarnost u većem dijelu sa studijskim programima iz najmanje tri licencirane akreditovane visokoškolske ustanove iz zemalja potpisnica Bolonjske deklaracije.*

2. Visoka škola za finansije i računovodstvo je obezbjedila izbor u nastavnička i saradnička zvanja, koji je provela Komisija matičara, i to 21 član nastavnog osoblja (10 doktora nauka i 10 magistara nauka i 1 diplomirani ekonomista). Visoka škola za finansije i računovodstvo u početnoj fazi svog rada će izvršiti prijem 21 član nastavnog osoblja (10 doktora nauka i 10 magistara nauka i 1 diplomirani ekonomista), u stalni radni odnos biće primljeno 4 člana nastavnog osoblja, ostali će biti angažovani po ugovoru o djelu, te će biti angažovan dovoljan broj stručnjaka iz prakse, sve u cilju nesmetanog izvođenja nastavnog procesa. Izbor nastavnog osoblja je izvršen prema užim naučnim oblastima i nastavnim predmetima. Potrebno neakademske osoblje je angažovano u skladu sa normativima na osnovu ugovora o radu.

3. Visoka škola za finansije i računovodstvo raspolaže prostornim kapacitetima: amfiteatar, računarski kabinet, dvije opremljene učionice, biblioteka, studentska služba, direktorski kabinet, kabineti za nastavnike, sala za sastanke, kao i dodatni prostor od 100m². Ukupni zahtjevi za minimalnom površinom za ovaj studijski program iznosi 600 m², to je zadovoljeno jer je Visoka škola obezbjedila prostor u površini od 605. m². kao i dodatni prostor od 100m², što u ukupnoj površini iznosi 705 m². Poslovni prostor je u Tuzli na adresi ulica M. Trifunovića Uče br. 15., 75000 Tuzla.

4. Ukupan knjižni fond Visoke škole za finansije i računovodstvo obuhvata više od 20.000 naslova što uključuje potpisan ugovor o poslovnoj saradnji sa JU Narodna i univerzitetska biblioteka „Derviš Sušić“ u Tuzli, kao i potpisan ugovor sa EBSCO Information Services – USA kojim je omogućen pristup EBSCO kolekciji elektronskih knjiga eBook Business Subscription Collection, čime je za buduće studente i nastavnike obezbjeđen pristup najnovijoj naučnoj i stručnoj literaturi.

5. Za potrebe uspostavljanja funkcionalne visoke škole učionice, kabineti, uredski prostori i biblioteka su opremljeni novim namještajem i opremom prema traženim standardima.

6. U skladu sa prostornim, kadrovskim, organizacionim i materijalno-tehničkim uslovima, i informatičkom opremom navedenom u Izvještaju Komisije za licenciranje, Visoka škola za finansije i računovodstvo FINra Tuzla može upisati ukupno 100 studenata na prvu godinu studijskog programa *Finansije i računovodstvo* i to: 60 redovnih studenata i 40 vanrednih studenata.

7. Po isteku akademske 2017/2018. godine Ministarstvo će izvršiti nadzor nad radom visokoškolske ustanove u djelu koji se odnosi na realizaciju studijskog programa *Finansije i računovodstvo*.

Obrazloženje

Osnivač Visoke škole za finansije i računovodstvo Tuzla obratio se Ministarstvu obrazovanja, nauke, kulture i sporta Tuzlanskog kantona sa zahtjevom zavedenim pod brojem: 10/1-05-011616/16 od 29.06.2016. godine za licenciranje prvog ciklusa studijskog programa *Finansije i računovodstvo* sa dva studijska smjera i to: „*Finansije, bankarstvo i osiguranje*“ u četverogodišnjem trajanju – 240 ECTS bodova, i „*Računovodstvo, porezi i revizija*“ u četverogodišnjem trajanju – 240 ECTS bodova.

Ministarstvo obrazovanja, nauke, kulture i sporta Tuzlanskog kantona je na osnovu člana 26. stav (4) Zakona o visokom obrazovanju („Službene novine Tuzlanskog kantona“, broj: 7/16) i člana 6. Pravilnika o postupku licenciranja studijskih programa prvog, drugog i trećeg ciklusa studija visokoškolskih ustanova na području Tuzlanskog kantona („Službene novine Tuzlanskog kantona“, broj: 7/14, 10/15 i 14/15) donjelo Rješenje broj: 10/1-05-016611-1/16 od 26.08.2016. godine o imenovanju Komisije za provođenje postupka licenciranja studijskog programa prvog ciklusa studija *Finansije i računovodstvo* u sastavu: prof. dr. Veljko Trivun – predstavnik akademske zajednice, predsjednik; prof. dr. Jamila Jaganjac – predstavnik akademske zajednice, član; prof. dr. Nikola Vukmirović - predstavnik akademske zajednice, član; Mr.sc. Muamer Bešić – predstavnik visokoškolske ustanove, član; Malik Ikanović – predstavnik Ministarstva, član.

Komisija je održala dva sastanka i Ministarstvu dostavila Izvještaj o radu Komisije sa zapisnicima.

Komisija je na osnovu dostavljene dokumentacije i uvidom na licu mjesta konstatovala da su ispunjeni uslovi u skladu sa Zakonom o visokom obrazovanju i podzakonskim aktima za licenciranje studijskog programa prvog ciklusa studija „*Finansije i računovodstvo*“ na visokoškolskoj ustanovi Visoka škola za finansije i računovodstvo FINra sa sjedištem u Tuzli. Komisija je dala pozitivnu ocjenu o ispunjenosti uslova za realizaciju navedenog studijskog programa i predložila nadležnom ministarstvu izdavanje rješenja o ispunjavanju uslova za izvođenje prvog ciklusa studijskog programa „*Finansije i računovodstvo*“ u čijem sastavu su dva smjera: „*Finansije, bankarstvo i osiguranje*“ u četverogodišnjem trajanju – 240 ECTS bodova, i „*Računovodstvo, porezi i revizija*“ u četverogodišnjem trajanju – 240 ECTS bodova od akademske 2016/2017 godine.

Na osnovu naprijed navedenog te Izvještaja Komisije od 05.09.2016. godine odlučeno je kao u dispozitivu rješenja.

Administrativna taksa je naplaćena u skladu sa Zakonom o kantonalnim administrativnim taksama i tarifi kantonalnih administrativnih taksi („Službene novine Tuzlanskog kantona“, broj: 6/12 – prečišćeni tekst).


Pouka o pravnom lijeku: Ovo rješenje je konačno u upravnom postupku, a protiv istog se može pokrenuti upravni spor pred nadležnim sudom u Tuzli u roku od 30 dana od dana dostavljanja. Tužba se u dva primjerka predaje sudu neposredno ili putem pošte,

DOSTAVLJENO

1 x „Visoka škole za finansije i računovodstvo FINra,
ulica M.Trifunovića Uče br. 9-11, Tuzla

1 x Evidencija

1 x Arhiva



MINISTAR

Zlatan Muratović
Mr. sc. Zlatan Muratović